

Conversio Magni Avgvstini, Postea Hypponensis Antistitis Maximi

Werner, Ignaz

Lincii, M DC XCII.

§. VII. Dolor Septimus. Proponit Christum in cruse expirantem pro
Peccatoribus.

[urn:nbn:de:hbz:466:1-70025](https://nbn-resolving.de/urn:nbn:de:hbz:466:1-70025)

Heu! quantum nocuit pomona revulsa parenti.
O quantum crucifer profuit alter Adam.

Christus ad Peccatorem.

Hoc ego damnosum pensabo pondere malum;
Hoc pretio mortis nomina pendet amor.

§. VII.

DOLOR SEPTIMUS.

Proponit Christum in Cruce expirantem pro Peccatoribus.

Ultima nobilium dilectaꝝ; scena dolorum,
Quo meus extremo funere plangit amor.
Et genitus lachrymans, moriens dat sanguinis
undas.

Et niveo, & roseo perpluit imbre sinus.
Et redimit lachrymis, redimit quoque fonte
cruoris.

Profuit & fluctu sanguis, & unda suo.
Attamen extremis crux vitam suscipit ulnis,
Inter & amplexus mortua vita crucis.
Non tantum nocuit fatalis frondibus arbor,
Quâ malum infelix triste pependit onus:

F 4

Affl.

Afflictis quantum l^atissima profuit arbor,
 Et reperit medicum saucia plaga suum.
 Quam nocuit verno, dum cresceret arbor i
 horto,
 Noxius ah ! fructus dum raperetur, erat.
 Profuit exanimi, dum fistitur arbor in umbra,
 Funereique tenet pallida saxa jugi.
 Aurea crux propior morituri limes amoris,
 Te teneo, amplexu brachia junge meo.
 Non grave pondus ero, si fiam pondus amoris
 Quô mea colla premes, quâ leve pondus erit
 Stringe manus, & stringe sinus : crux stringe vo
 lentem,
 Crux desiderijs scena parata meis.
 Suave quiescentis suavissime lectule vitæ,
 In tua crux hæres brachia scriptus eo.
 Te ne thronum dicam ! quem purpura sanguine
 pingit
 Rex meus hoc dictat jura suprema throno.
 Te ne vocem thalamum ! quem Chloris flore
 coronat,
 Prælia post thalamo dulce quiescit amor.
 Te volucrem dicam lusuri Numinis arcum,
 Hoc posita est arcu blanda sagitta Deus
 Ex libus missam te posthac dixero scalam,
 Hâc celer inscendit sidera clausa latro.

Mellifluam dicam te crux aptata sagittam,
 Vulnera si facias, vulnera grata facis.
 Te posthac dicam mihi centrum nobile cordis,
 Huc ferar, & nullâ lege ruentis agar.
 Nulla quies, nisi chara tuis crux figar in ulnis:
 Ni tua speratas præbeat ulna lares.

Christus ad Peccatorem.

O vos Benigna, Amore digna
 Salutis almæ tempora!
 Ah me tenete! me sustinete!
 Ut fida cordis viscera.
 Vos diligemus, quoad trahemus
 Vitæ fluentis spiritum:
 O crux! decora salutis hora!
 Hoc redde, ne sit irritum.



F 5

PARS